

附怡鴻軒割談

鈿
合
龍
林
取
稿

謝養盧題

中華民國十二年八月初版

劍龍叢刻

全書
一冊 價 洋 五角

版權
所有
翻印
必究

著 者

陳 國 章

編 纂 者

章 怡 庭

評 點 者

金 汝 梅

代 印 者

世 界 書 局

總代售處


上 海 四 馬 路
世 界 書 局

章國陳者作著



梅汝金者點評

庭怡章者纂編



玉屑金聲

虞西楊崇德題



劍龕叢稿緊要目錄

謝養齋先生題封面

楊午莊先生題字

本書編著同人小影三幅

卷壹 詩集

七• 律• 二十六首

五• 律• 二十首

七• 絕• 九十四首

五• 絕• 六首

五• 七• 古• 六首

卷貳 說苑

(一) 短篇小說

何士英

郭劍雲

斷腸箋

新閨情話

夢合記

虎頭大王

卷叁 文集

駢散文

十三篇

諧文

五篇

尺牘

五十篇

卷肆 筆記

詩話

二十則

碎墨

七十則

異聞。

五十四則

附怡鴻軒劇談

名伶小評。

十四則

坤伶小評。

六則

名伶求疵錄。

三十則

票友雜談。

八則

上海舞台改良之我見。

觀劇者應守之範圍。

論戲劇之正意。

劇餘叢話。

叁拾則

劍龕叢稿卷首

詩集

古虞韻川陳國章著

澄江章怡庭編
餘姚金汝梅評

七律

代胡秋濤先生賀吳門尤公先甲八秩大慶

榴花照眼正初旬。雙玉鍾靈信有因。自是君稱黃髮老。爲慚我亦
白頭新。一生詩酒多清福。滿室圖書不算貧。皓月將圓人壽永。年
年此日慶良辰。

與君一醉莫相辭。八秩高齡自古稀。司馬文章千載業。孟嘗經濟
萬人碑。笑同親友飛瓊爵。喜看兒孫舞綵衣。愧我祝嘏無他物。幸

次聯堂皇冠冕雖是
恭維語却合尤公身
比非濫加阿諛者可

踵白雪貢巴詩。

盧溪宋國筠先生由南昌馳書附爲太夫人八秩徵壽詩啓見示雖與先生素昧生平然遠道盛情不敢固却敬呈二律

金鏡月三字未安

朶雲天外頒綸音。喜值良辰接壽辰。耶蘇復活節之次日故云瑤爵樽開金鏡月。萊衣人舞玉堦春。持身忠恕欽賢訓。着意飢寒見佛心。積善由來餘吉慶。三多曼福自天申。

繞膝孫曾侍碧墀。祥開八秩古更稀。一門孝悌風當世。三代詩書載口碑。柏火香浮青玉案。梨花酒晉紫霞卮。馬當肯與王郎便。爲貢巴人祝嘏詩。

白梅

亭亭玉立倚晨霜。冰雪肌膚鐵石腸。處士本來無俗態。美人端不

藉濃粧。非關瑞雪掩顏色。勝似梨花有古香。却笑三春桃李賤。籠烟空鬪好風光。

種菊

原是仙根異俗胎。荷鋤每趁雨餘栽。短籬遍插無餘地。老圃清閒亦妙材。繁蕊昨宵含露綻。好花何日面風開。事從手出關心甚。慘淡經營又幾回。

菊圖

已刊學生
雜誌中

不買臙脂畫牡丹。東籬秋色正闌珊。數行醉墨支離甚。一種孤芳寫取難。客邸無花秋寂寂。故鄉有夢夜漫漫。劇憐傲骨應同病。莫向西風怨歲寒。

賞月

結句感慨無窮

啼紫塞三字近於離

菊正開時桂正馨。涼台小酌亦神清。冰輪光朗羣星暗。遠樹陰濃
野火明。歸雁風前啼紫塞。吟蟲雨後弄秋聲。多情最是當頭月。隨
我天涯萬里行。

秋柳

已刊文苑
導遊錄

夕陽門巷雨絲絲。綰住春光得幾時。零落非關風孟浪。飄搖祇怨
日披離。驚回客邸悲秋夢。折盡陽關送別枝。前度風流渾似昨。劇
憐消瘦是腰肢。

秋夕偶成 又

花事而今已就荒。最無聊賴是重陽。月明岸柳三分白。秋到庭柯
一例黃。未許孤標驚傲岸。權隨世態共炎涼。燈前拔劍樽前舞。借
酒消愁莫笑狂。

大句嫌俗

七夕

駒光容易又初秋。多少新愁疊舊愁。玉露剛生黃菊嫩。金風輕動白雲柔。興懷黯對三分月。乞巧還登百尺樓。此夕年年會織女。多情畢竟讓牽牛。

歸途口占

自棹歸舟歇浦東。故鄉回首暮雲封。蕭蕭落葉隨流水。瑟瑟蘆花戰晚風。孤雁一行斜日外。遠帆千疊落霞中。秋光欲老秋容好。紅盡江灘兩岸楓。

二十感懷

戊午中秋前十日作

天涯浪跡感浮萍。潦倒人間二十春。涉足世途無限險。傳家書史不憂貧。風塵知己由來假。亂世虛名未必真。消盡昂藏男子氣。澹

大句嫌俗

讀庚二韻混雜

懷直欲結鷗隣。

頻年僕僕愧勞形。馬齒徒加暗自驚。詩酒生涯空有願。文章事業尚無名。原來傲骨爲人棄。不定庸材被世輕。何日故園歸去也。長鑣短褐世無爭。

我亦天涯淪落人。敢將梅鶴當相親。閒愁起落渾難定。舊事模糊記不真。祇恐蹉跎虛壯志。爭教角逐老風塵。炎涼世味今更甚。欲向桃源暫避秦。

浪擲韶華付逝流。飄零塵海一閒鷗。興懷身世無限感。觸目時艱不勝憂。煩惱光陰忙裏過。風雲壯志淡中休。浮生事事尋常甚。素願清閒尚未酬。

四首結句皆是一樣
口吻未免重複

題化粧求己圖小影

胞字失粘

技傳海外樣翻新。攝得廬山面目真。同胞學生猜不透。分形奇術信無倫。一方圖畫留雙影。兩種衣冠祇一身。解識個中真意趣。從知求己勝求人。

代金筱筠先生賀其兄五十壽誕

華堂此日敬瓊筵。聚賀聲中月正圓。偕老齊眉真樂事。闔家全健亦神仙。逢兄欣度五旬壽。愧我蹉跎四十年。弟兄相差正十年窮達一生原有命。如君餘慶定知天。

起句連意極新未經
人有
集中賀詩皆切合本
人身分事跡不可改
贈他人頗爲可貴

勸君何事說差跬。百歲光陰祇半過。垂目養身真妙訣。素有目疾近學靜坐放懷莫問世如何。儘堪跨竈雙賢姪。但愧祝嘏一曲歌。自是福高猶未足。馨香還待祝三多。尙未抱孫

雜感和金幼雲先生五十感懷原韻

試和陽春得句遲。巴詩還乞斧刪之。立身但自存真宰。處世何妨效假痴。半世炎涼嘗已透。平生利祿不縈思。年來無限悲歡感。付於狂歌只自知。

次聯多少感慨

江湖飄泊一年年。世局滄桑過眼烟。且自開懷忘舊事。堪慰偕老有前緣。黃金不肯買青眼。白髮難禁到鬢邊。參透人間真色相。不如把酒且陶然。

用典極佳

春秋來去歲如梭。老至誰能鬢不皤。知過儘堪重學。易解愁莫善暫謳歌。公真有子皆蘭蕙。我亦思親咏蓼莪。禍福無常難自定。蒼穹作主怨誰何。

歸臥山陲願卽酬。浮生何事薄閒鷗。辭高知止眞明哲。淡泊爲心不足羞。逸興常傾紅玉斚。豪情肯賣紫貂裘。孟嘗俠義千秋仰。定

新韻出人意外

有芳名百世留。

歲歲生辰月色新。碧桃入夢悟前因。桃而生。江山極目悲荊棘。先生夢碧。珠桂簪人是米薪。有日桑榆娛暮景。不妨梅鶴當相親。平生多少歡愁事。潦倒如今記不真。

首聯有深意

問君何事暗神傷。事業功名本渺茫。腹有詩書貧亦樂。靜中詩酒興俱長。一生傲岸驚當世。兩字清閑惟醉鄉。富貴浮雲誰解得。蜉蝣笑他自空忙。

七夕雷雨

舊字失粘翻錦隱三字不佳

深秋炎熱勝三伏。却喜長空忽晚雷。電閃輕雲幻蒼狗。風颺平野走黃埃。銀河影被翻錦隱。瓜果案爲乞巧開。若使雙星情致切。自應冒雨渡橋來。

五律

不寐

寂寂深宵裏。孤床夢不成。碧紗秋後冷。紅燭靜時明。城漏有清韻。村砧來遠聲。窗前風雨息。遮莫近三更。

和從兄孝陵白門紀遊

巍巍古陵址。興感此登臨。英雄空自負。偉業又誰欽。世事今非昔。江山昔猶今。白門青未了。留得供閒吟。

月下卽事

未到中秋節。先飛月下觴。浮雲秋淡白。野火夜昏黃。月朗繁星暗。衣單薄露涼。杯前揮劍舞。酒醉且徉狂。

奧略樓晚眺

在武昌